

आकाशवाणी

खबरां श्रुति खजूरिया कोला

खास-खास खबरां:-

1. नमीं दिल्ली च 18मां ब्रिक्स शिखर सम्मेलन कल भारत मंडपम च शुरु होग, रुस दे राष्ट्रपति व्लादीमीर पुतिन होर 18में ब्रिक्स शिखर सम्मेलन च हिस्सा लैने लेई भारत पुज्जे।
2. अंतराष्ट्रीय मुद्रा कोष नै भारत दी अर्थ-बवस्था गी वैश्विक विकास दा इक प्रमुख इंजन दस्सेआ। अर्थ-बवस्था च दुई तिमाही च 7 इशारिया 8 फीसद दा बाद्दा होआ ऐ।
3. राष्ट्रीय परीक्षा एजेंसी NTA नै UGC NET जून 2026 दी अंग्रेजी, कॉमर्स ते समाज शास्त्र दी परतिफ होई दी परीक्षा दी शुरुआती उत्तर कूजी जारी करी दिती ऐ।
4. ट्रम्प प्रशासन नै H- 1 B कर्मचारियें ते केंई होरनें रोजगार आधारित वीजा धारकें गी नौकरी जाने दे मगरा बी अमरीका च 60 दिन रौहने दी छूट अवधि गी खत्म करने दा प्रस्ताव रक्खेआ ऐ।
5. भारत, महिला क्रिकेट एशिया कप दे फाइनल च पुज्जी गेआ ऐ। कल दुबई च खेड्ढे गेदे सैमीफाइनल च भारत नै बांगलादेश गी 40 रन्ज कन्ने हराया।

<><><><><><>

ते हून खबरा विस्तार कन्नै:-

<><><><><><>

BRICS Summit

नमीं दिल्ली च 18मां ब्रिक्स शिखर सम्मेलन कल भारत मंडपम च शुरु होग। 2 दिन तगर चलने आहले इस शिखर सम्मेलन आस्तै राश्ट्रीय राजधानी च तयारिं गी खीरी रुप दिता जा'रदा ऐ। ब्रिक्स च 11 प्रमुख उभरदी ते विकास अर्थ-बवस्था दी हिस्सेदारी ऐ, जेदे च ब्राजील, चीन, मिस्र, इथियोपिया, इंडोनेशिया, भारत, ईरान, रुस, सऊदी अरब, दक्खन अफ्रीका ते संयुक्त अरब अमीरात शामिल न। भारत दी बरे 2026 दी ब्रिक्स अध्यक्षता दा विशे ऐ- “लचीलापन, नमियां काहड्डां, सहयोग ते लगातार ते टिकाऊ विकास आस्तै निर्माण”, शिखर सम्मेलन च रुस दे राश्ट्रपति व्लादीमीर पुतिन, चीन दे राश्ट्रपति Xi Jinping, दक्खन अफ्रीका दे राश्ट्रपति सिरिल रामाफोसा, मिस्र दे राश्ट्रपति अब्दुल फताह अस्सीसी, इंडोनेशिया दे राश्ट्रपति प्राबोवो सुबियांतो ते ईरान दे राश्ट्रपति मसूद पेज़ेशिकियन हिस्सा लैडन। अबू धाबी दे युवराज शेख खालेद-बिन-मोहम्मद-बिन-जायद-अल-नहयान ते इथियोपिया दे प्रधानमंत्री आबी अहमद अली बी सम्मेलन च हिस्सा लैडन। ब्राजील दी अगुआई विदेश मंत्री माउरु वीएडरा करडन, जिसले जे सऊदी अरब दे विदेश मंत्री प्रिंस फैसल बिन फरहान अल सऊद सम्मेलन च हिस्सा लैडन। मलेशिया दे प्रधानमंत्री अनवर इब्राहिम ते वियतनाम दे प्रधानमंत्री एदे च हिस्सा लैडन। संयुक्त राश्ट्र महासचिव एंटोनियो गुतेरेस, विश्व सेहत संगठन दे महानिदेशक डाक्टर टेड्रोस अघानोम गेब्रेयसस बी एदे च शामिल होडन। रुस दे राश्ट्रपति ते ब्राजील दे विदेशमंत्री कल रातीं नमीं दिल्ली पुज्जे, दक्खन अफ्रीका दे राश्ट्रपति अज्ज आवा'रदे न। ईरान, इंडोनेशिया, मिस्र, फिलीपींस ते बरुंडी दे राश्ट्र अध्यक्ष, अबू धाबी दे युवराज ते मलेशिया, इंडोनेशिया दे प्रधानमंत्री बी अज्ज आवा'रदे न।

Putin Arrival

18में ब्रिक्स शिखर सम्मेलन च हिस्सा लैने आस्तै रुस दे राष्ट्रपति व्लादीमीर पुतिन नमीं दिल्ली पुज्जी गे न। हवाई अड्डे पुज्जने पर विदेश राज्यमंत्री कीर्ति वर्धन सिंह होरें उंदा सोआगत कीता। यात्रा दौरान राष्ट्रपति पुतिन, प्रधानमंत्री नरेन्द्र मोदी हुंदे कन्नै गल्लबात करडन ते कैई दपक्खी बैठकें च हिस्सा लैडन। विदेश मंत्रालय ने सोशल मीडिया पोस्ट च आखेआ जे भारत ते रुस बश्कार लम्मे चिरे थमां खास रणनीतिक सांझेदारी पर आधारित मज़बूत ते बहु-आयामी सरबंध न।



PM- Space Summit

प्रधानमंत्री नरेन्द्र मोदी होरें आखेआ ऐ जे भारत अंतरराष्ट्री कन्नू, संवाद ते बहुपक्खी सहयोग पर आधारित इक सुरक्षित, शांतिपूर्ण ते लगातार टिकाऊ अंतरिक्ष खेतर दा समर्थन करदा ऐ। मोदी होरें आखेआ जे भारत दा नजरिया वसुधैव कुटुम्बकम् यानि इक धरती, इक परौआर, इक भविष्य दे सिद्धांत पर आधारित ऐ। मोदी होरें फ्रांस च आयोजित अंतरराष्ट्री अंतरिक्ष शिखर सम्मेलन गी वर्चुअल माध्यम राएं संबोधित करदे होई एह गल्ल आक्खी। प्रधानमंत्री होरें आखेआ जे साईंसी डेटा गी पारदर्शिता ते ईमानदारी कन्नै इक सांझा लक्ष्य दी पूर्ति करनी लोइचदी। प्रधानमंत्री होरें आखेआ जे जियां जियां अंतरिक्ष च गतिविधियां बदा करदियां न एहदे च मते मुख्य ते संस्था शामिल होआ करदियां न, उआं-उआं टकराव दे बजाय सहयोग, लौहकी अवधि आहले लाह दे बजाय, टिकाऊ विकास ते अलगाव दे बजाय समावेश गी तरजीह दिती जानी लोइचदी।



IMF- India

अंतराष्ट्रीय मुद्रा कोश नै भारत दी अर्थबवस्था गी वैश्विक विकास दा इक प्रमुख इंजन दस्सेआ। अर्थ-बवस्था च दुई तिमाही च 7 इशारिया 8 फीसद दा बाददा होआ ऐ। अंतराष्ट्रीय मुद्रा कोश दे संचार विभाग दी निदेशक जूली कोजैक होरें आखेआ जे ऊर्जा दी कीमतें च चानचक्क बढने दे बावजूद, सेवाएं ते निर्यात च टकोदा बाददा होआ ऐ। भारत दे नमें विकास आंकड़ें, व्यापक आर्थिक आंकड़ें ते कच्चे तेल दी बढ़ती कीमतें दे इक प्रमुख ऊर्जा आयातक मुख्य पर पौने आहले असर कन्नै सरबन्धी सोआलें दी प्रतिक्रिया दे नतीजें च उ'नें एह टिप्पणी कीती। उ'नें आखेआ जे भारत दे नमें सकल घरेलू उत्पाद दा नमां सूचकांक ते उत्पादक मूल्य सूचकांक दी इक नमीं श्रृंखला शामिल कीती गई, जेदे कन्नै मुख्य दे सकल घरेलू उत्पाद अनुमान च सुधार होना लोड़चदा।



NET Answer Key

राष्ट्री परीक्षा एजेंसी NTA नै UGC NET जून 2026 दी अंग्रेजी, कॉमर्स ते समाज-शास्त्र दी परतिह होई दी परीक्षा दी शुरुआती उत्तर कुंजी जारी करी दिती ऐ। मेदवार 13 सितम्बर तगर UGC NET दी आधिकारिक वेबसाईट पर उत्तर कुंजी पर आपत्ति दर्ज कराई सकदे न। इनें त्रौनं विशे दा परतिह होए दे इम्तेहान आहले प्रश्न-पत्र च कैंई सारी गलतिहं दी शकैत मगरा एह आयोजित कीती गई ही। अंग्रेजी ते कॉमर्स दा इम्तेहान 9 सितम्बर गी जिसले कि समाज-शास्त्र दी परीक्षा कल होई।



Civil Aviation

केंद्री नगर विमानन उड्डयन मंत्री के. राम मोहन नायडू होरें आखेआ ऐ जे प्रधानमंत्री नरेंद्र मोदी हुंदी अगुवाई च भारत दे विमानन खेतर च पूरी चाल्ली बदलाव आया ऐ। उनें नमीं दिल्ली च आयोजित वारटेक्स सम्मेलन गी संबोधित कीता। एह वैश्विक एयरोस्पेस आपूर्ति श्रृंखलाएं च लौहके ते दरम्याने दर्जे दे उद्यमें दे एकीकरण आस्तै इक राश्ट्री पैहल ऐ। उनें आखेआ जे इस खेतर च आत्मनिर्भरता दे नजरिए कन्ने कम्म करा'रदी ऐ जेदे च पुर्जे दे निर्माण थमां लेइयै भारत च तैयार विमानें तगर सारे खेतर शामिल न। उनें दस्सेआ जे भारती एयरोस्पेस ते रक्षा बजार जिसदा मुल्ल 2025 च 30 अरब डालर हा, ओहदा 2035 तगर दोगुणा होइयै 61 अरब डालर होने दी मेद ऐ। उनें दस्सेआ जे ब्हाई अड्डे दी गिनतरी 2014 च 74 ही जेड़ी 166 होई गई ऐ।

<><><><><><>

US- H -1 B

ट्रम्प प्रशासन नै H-1 B कर्मचारिएं ते कैई होरनें रोजगार आधारित वीजा धारकें गी नौकरी जाने दे मगरा बी अमरीका च 60 दिन रौहने दी छूट अवधि गी खत्म करने दा प्रस्ताव रक्खेआ ऐ। इस बदलाव मगरा नौकरी जाने पर नमीं नौकरी तलाशने जां वीजे दी दुई बवस्था करने आस्तै थहोने आहला समां बड़ा घट्ट होई सकदा ऐ। गृह सुरक्षा विभाग दा एह प्रस्ताव फेडरल रजिस्टर च प्रकाशित होने आहला ऐ। एह प्रस्ताव E-1, E-2, E-3, H-1B, H-1B1, L-1 ते O-1 ते TN जनेई वीजा श्रेणिएं ते उन्दे आश्रितें पर लागू होग, जेकर एह प्रस्ताव खीरी रुप लैदा ऐ, तां जिनें लोकें दी नौकरी जां वीजा कन्ने जुड़ी दी पात्र गतिविधि खत्म होई जंदी ऐ, उनें'गी फौरी तौर पर अमरीका छोड़ना

होगा। विभाग मुजब प्रस्ताव दा मकसद पैहले दी बवस्था ब्हाल करना ऐ, जेदे तैहत नौकरी खत्म हुंदे'गै कर्मचारी गी अमरीका छुड़ना हुंदा हा।

<><><><><><>

Canada-US Talk

कनाडा दे प्रधानमंत्री मार्क कार्नी होरें आखेआ जे अमरीका कन्नै बद्दे बपारिक तना दे बाजवदू उ'नें हाल दे दिनें च अमरीकी राष्ट्रपति डोनाल्ड ट्रम्प हुंदे कन्नै यूक्रेन ते ईरान च युद्ध जनेह वैश्विक मुद्दे पर केई बारी गल्लबात कीती। कैलगरी च पत्रकारें कन्नै गल्लबात करदे होई कार्नी होरें आखेआ जे कनाडा ते अमरीका गी वैश्विक ऊर्जा ते अनाज दी आपूर्ति गी प्रभावित करने आहले मुद्दे पर सहयोग जारी रखना लोड़चदा। उ'नें आखेआ जे अमरीका कन्नै मुद्दे गी बक्ख रखेआ जाई सकदा ऐ।

<><><><><><>

Cricket

दुबई च भारत, महिला क्रिकेट एशिया कप दे फाईनल च पुज्जी गेआ ऐ। कल सेमीफाईनल च भारत नै बांगलादेश गी 40 रन्ज कन्नै हराया। 150 रन्ज दे लक्ष्य दे परते च बांगलादेश दी टीम 20 ओवरें च 7 विकटें पर 109 रन्ज गै बनाई सकी। बांगलादेश नै टॉस जितिए भारत गी बल्लेबाजी करने लेई साद्दा दिता। भारत नै 20 ओवर च 6 विकटें पर 149 रन्ज बनाए। शेफाली वर्मा गी प्लेअर ऑफ द मैच चुनेआ गेआ।

<><><><><><>

Rijiju National Youth Parliament

संसदीय कार्यमंत्री किरें रिजिजू होरें गलाया ऐ जे संसदीय लोकतंत्र दुनिया च शासन दा सब्बनें शा बेहतर रूप ऐ। मंत्री होर नमीं दिल्ली च 27में राष्ट्रीय युवा संसद प्रतियोगिता 2025-26 दे पुरस्कार समारोह च विद्यार्थियें गी सम्बोधत करा'रदे हे। उ'नें गलाया जे भारत जनेह मुख्य लेई संसदीय लोकतंत्र सब्बनें शा बेहतर ऐ, जित्थे जनता अपने चुने गेदे प्रतिनिधियें दे जरिए शासन करदी ऐ।

<><><><><><>

C.P Radha Krishnan

उपराष्ट्रपति सी.पी. राधाकृष्णन अज्जै थमां दादरा ते नगर हवेली ते दमन ते दीव दे दंडु दिनें दे दौरें उप्पर होडन। उपराष्ट्रपति सिलवासा च Dr. APJ अब्दुल कलाम राजकीय महाविद्यालय च सार्वजनिक समारोह च हिस्सा लैडन। उपराष्ट्रपति होर स्वामी विवेकानंद विद्या मंदिर ते नमो आर्युविज्ञान शिक्षा ते अनुसंधान संस्थान सनें प्रमुख संस्थानें दा बी दौरा करडन। उप-राष्ट्रपति होर दमन च नमो अस्पताल बी जाडन ते रामसेतू Sea-Front ते नमोपथ सी-फ्रंट सनें बक्ख-बक्ख सैलानी थाहरें दा बी दौरा करगंन।

<><><><><><>